



## МЕСЯЦА НОЯБРЯ ВО 2-Й ДЕНЬ

Святых мученик Акинди́на, Пига́сия,  
Аффо́ния, Елпидифо́ра и Анемподи́ста.

На Господи, воззвах: **стихиры, глас 4.**

**Подобен: Яко дбля:**

**П**яточи́сленное сочетание мучеников вос-  
пойм, / мудраго Акинди́на, Пига́сия, Елпи-  
дифо́ра, / Аффо́ния и Анемподи́ста, / до-  
бля страдальцы и теплыя защитники, /  
точа́щая невозбранную благодать / и надежду  
незави́стну / безбедно благочести́вым подающия.

**Ни** глад, ниже́ беда, / ни жизнь, ниже́ смерть, /  
ни коно́бов \* врэ́ния \*\*, ни земны́я про́пасти, / ниже́  
зверей у́ста / разлучи́ти возмо́гоша от любве́  
Христовы / ваша терпеливомудрыя до́блести, / к  
Нему́ бо непрестанно взирающе / и Того́ единого  
желающе, / враждующия победи́сте.

**Сладости** насыща́ющесея, и света исполня́еми, /  
и жизнь вечную насле́довавше, / к вам прибега́-  
ющия от бед изба́вите, / и уз, и темницы / на месте  
озлобле́ния, Богомудрии, / к Богу дерзновение  
иму́ще / и милосердие явля́юще, / яко истинно  
Хриstopодража́теле.

**Слава, глас 6:**

**Днесь** пятоза́рный мучеников лик, / яко свето-  
носных звезд схожде́ние / верныя просвещающъ, /  
к та́инственному веселию призва́. / Днесь иже

\* коно́б — котел

\*\* врэ́ние — кипяток, кипение

разумнаго Солнца служителие / и персских\*  
 потребителие преданий, / чувственное солнце  
 чествовавшия / и поклоняющияся огню, / руковод-  
 ствоваша ко благочестию. / Почерпше же обильне  
 страсотерпческую их чашу, / и Христа ради  
 излившимися кровью венчашася, / нас призыва-  
 юще, / благочестия рачители, приидите, глаголю-  
 ще, / подвиги нашими учредитеся / и венцы, и  
 чести зрите: / претерпевый бо до конца, той  
 спасется, / Христос Истина изрече; / да общницы  
 будете венцев наших / и молитвенники ны ко  
 Господу имате.

### **И ныне, Богородичен или Крестобогородичен:**

**Подобен: Трдневен:**

**Люди беззаконнейшия, / без правды пригвож-  
 дающия Тя на Древе, / Дева и Чистая Мати Твоя,  
 зрящи, / якоже Симеон прорече, / утробою, Спасе,  
 уязвляшеся.**

### **На стиховне Октоиха и святых стихира, глас 1.**

**Стих: Дивен Бог во святых Своих, / Бог Изра-  
 илев.**

**Лучи возсияша мучеников пятозарныя, / девам  
 равночисленны, / воображения бо их зряще, / оза-  
 ряемся, памятью их приобщающеся. / Тем молитва-  
 ми их, Христе Боже, / безбедне спасай от враг  
 души наша / и мольбами их неоскудну жизнь нашу  
 соблюди, / яко источаеши милости Твоя богатая  
 непрестанно / безпреткновенно Тя славающим, /  
 упование же имущим в Тя; / молитвами их даруй  
 душам нашим велию милость.**

### **Слава, глас 2. Самогласен:**

**Приидите, возрадуемся Господу / в памяти  
 днесь страсотерпцев, о празднолюбцы! / Прииди-  
 те, восхвалим их, тайно похваляюще: / радуйся,  
 Акиндине; радуйся, Пигасие; / радуйся, Анемподи-  
 сте; радуйся, Елпидифоре; / радуйся, Аффоние, /  
 иже лествицею идолюскую в пропасть погрузивше / и  
 Христа Господа посреде трізница ясно пропове-  
 давше. / Тем, всеблаженный и многострадальный, /  
 непрестанно молитесь о душах наших.**

\* персских — персидских

## И ныне Богородичен или Крестобогородичен.

Подобен: Егда от Древа:

Древу Крестному Тя, Иисусе, пригвождена/  
зрящи, Неискусобрачная, / плачущи, глаголаше: /  
Чадо сладчайшее, почто оставил еси Мене,  
рождшую Тя, едину, / Свете Непрístupный Пре-  
безначальнаго Отца? / Потщися и прославися, /  
яко да славу получат Божественную / Божествен-  
ныя страсти Твоя славящи.

### Тропарь, глас 2:

**С**тратотерпцы Господни, / блаженна земля, на-  
пившаяся кровьюми вашими, / и свята селения, /  
приимшая телеса ваша: / в трізнищи бо врага  
победите / и Христа со дерзновением проповеда-  
сте: / Того яко блага молитесь / спастися, молимся,  
душам нашим.

### НА УТРЕНИ

Оба канона Октоиха и святых на 4, егоже  
краегранесие: Твоих мольбами мя мучеников мно-  
жества покрывай. **Феофан. Глас 4.**

### Песнь 1

**Ирмос:** Отвѣрзу уста моя, / и наполнятся Духа, /  
и слово отрыгну Царице Матери, / и явлюся,  
свѣтло торжествуя, / и воспою, радуясь, Той  
чудеса.

Солнца имуще правды незаходима, Христа,  
Бога нашего, / просвещающа вас, святии, невеще-  
ственным Светом, / облаки разорите невѣдения  
моего.

Безбедную, святии, безпрепо́нно источающе,  
благодать подаваете приходящим верою, / всяку  
беду, и всякое уныние, / и бурю, и мятеж уставля-  
юще.

Крепостию непобедимую препоя́савшеса, свя-  
тии, / плотскія нѣмоци не помыслисте, / но, безбо-  
язненно мудрование являюще, / на огонь и мучѣние  
дерзните.

**Богородичен:** Ты едина, Богоневесто, / в высо-  
чайших Седящаго на объятиих носила еси, плоть  
бывша; / Ты бо явилася еси от всех век приятели-  
ще достойное Вседержителя.

### Песнь 3

**Ирмос:** Не мудростию, и силою, и богатством хва́лимся, / но Тобою, Отчею Ипостасною Мудростию, Христе: / несть бо свят, паче Тебе, / Человеколюбче.

Утверди́вшеся Христовою силою, всеизящнейшии, помы́слом крепким, / сквозе́ огонь же и во́ду, стра́ждуще, преидо́сте к Небесным.

Нерасте́рзною будущих надеждею ствержда́еми \*, / настоящих болезней мужественнейшим смы́слом, всеславнии мученицы, небрего́сте \*\*.

Равномудрствующе трем юношам, всехвальнии, / безумия персского огонь угаша́юще, яви́стеся, / росбо́ю Духа окропля́еми.

**Богородичен:** Тя, Предстательницу известну, Богомати, стяжавшии, / надежды на Тя возлагающе, спасаемся / и, к Тебе прибегающе, сохраняем-ся.

### Седален, глас 8.

**Подобен:** Премудрости:

Безбедно течение благочестивное, в по́двизе стра́ждуще, / благославнии надеждею проидо́ша, венцы́ укрепля́еми; / сопротивныя бо до конца погуби́вше, / безпрепо́нно победу свою соверши́ша, / тем и обильно просящим верою источают всегда множество исцелений. / Имже согласно возопи́м: / моли́те Христа Бога грехов оставление дарова́ти чествую́щим любовию святою память вашу.

### Слава, и ныне, Богородичен:

Яко Деву и едину в жена́х, Тя, без семене рождшую Бога плотию, / вси ублажа́ем, роди́ человечести: / Огонь бо всели́ся в Тя Божества́ / и яко Младенца дои́ши Зижди́теля и Господа. / Тем Ангельский и человеческий род / достойно славим пресвятое Рождество Твое / и согласно вопи́ем Ти: / моли́ Христа Бога согрешений оставле́ние дарова́ти / поклоня́ющимся верою пресвятому Рождеству Твоему.

\* ствержда́ти — утверждать, укреплять

\*\* небреговати — пренебрегать, презирать, отвергать

### Крестобогородичен:

Агнца, и Пастыря, и Избавителя Агница, зряци на Кресте, / восклицаше, плачуци, и, горько рыдаючи, вопияше: / мир убо радуется, приѣмляй Тобою избавлѣние, / утрѣба же Моя горит, зряци Твое распятие, / еже терпиши за милосердие милости. / Долготерпеливе Господи, / милости бездно и источниче неисчерпаемый, / умилосердися и даруй согрешений оставлѣние / верою поющим Божественныя Страсти Твоя.

### Песнь 4

**Ирмос:** Седяй в славе на Престоле Божества / во облаце легце, / прииде Иисус Пребожественный / нетленною дланию и спасе зовущия: / слава, Христе, силе Твоей.

Просвещаеми добротю изящнейшаго страдания, / светлии светильницы, мученицы Христовы явистесь, / светлейшими лучами озаряюще зовущия: / слава, Христе, силе Твоей.

Очищение кровь мучеников бысть, / и благовоннейшее истинно приношение Богу безпрепѣнно дающи, / и безбедный источаючи всем источник врачевания.

Различных напастей и бед нахождение / вашими молитвами, сущими ко Христу, отразисте / совершающих усердно всесвященную и всепразднственную память вашу, досточуднии.

Испровергше прелести идольское безбожие, / Бога всех животворящее дѣйство дѣлы являюще, зваете, преблаженнии: / слава, Христе, силе Твоей.

**Богородичен:** Крепчайшее Тя оружие на враги предлагаем, / скорби всякия и лютых обстояний отрѣваем вред / и возмущений еретических, Мати Божия, избегаем.

### Песнь 5

**Ирмос:** Нечестивии не узрят славы Твоя, Христе, / но мы Тя, Единородне, / Отечественныя славы сияние Божества, / от нѣщи утренююще, / воспеваем Тя, Человеколюбче.

Тя самаго, Аффоние, привел еси Христу, / крепче мучительскую, славне, обличив злобу безбожную, / и к свету притекл еси веры, веселяся.

**Подобься, Аффоние, страсти Христове, / Того ради твоя глава отсечётся изыщне: / к неизменному бо веселию потщался\* еси и безсмертному побищу.**

**На недвижимей надежди утвердился, / и красная, яже на земли, оплевав\*\*, всемудре Елпидифоре, / неуклонно бо ты претекл еси поприще страдания.**

**Богородичен: Возсияв из Тебе, Солнце мысленное / светлая лучи Своего Божества всем простре, Богородице Владычице: / тем вси Тя славим.**

### Песнь 6

**Ирмос: Пожру\*\*\* Ти со гласом хваления, Господи, / Церковь вопиет Ти, от бесовския крове очищися / ради милости от ребр Твоих / истекшею Кровию.**

**Текущих тленная презревше, / нетленная сподобистесь зрети. / Искушений убо избавите и бед / верою вас призывающия, всехвальнии.**

**Троицу Безначальную, преславнии мученицы, / люто связанные и в темницах неослабно держимы разрешити, / вашими мольбами умилосердите.**

**За Тя себе предавшие на смерть, / безсмертие, Спасе мой, доблии получиша, / и спасителие сущих в буре и напастех и скорбех быша.**

**Богородичен: Расторгни моих прегрешений, Отроковице, рукописание, / и содержащая мя печали и страстей разрешение дарующи, / и соблюдающи вину\*\*\*\* невреденна, Владычице.**

### Кондак, глас 2.

**Подобен: Твердыя:**

**Благочестивыя и Богоносныя мученики, / яко на земли оставльшия вся, / приял еси в наслаждение благих Твоих и упокоение, / Акиндина, Пигасия, Анемподиста, / с нимиже Аффония и Елпидифора же, / Едине сый Преблагий.**

\* потщатися — ускорять, усердно действовать

\*\* оплевати — отринуть, отвергнуть, отметить

\*\*\* пожирати — приносить жертву

\*\*\*\* вину — всегда

**Икос:**

Отвѣрзи ми уста, Христе мой, / воспети и похвалити чѣстно пѣдвиги страсотѣрпец Твоих, Господи: / сий бо, вся оставльше и возлюбивше Тебе, Создателя всех, / сущая на земли вся яко тлѣнная вмениша. / И тамо честный образ животноснаго Твоего Креста сотворивше, / усердно предсташа Царю, яко оружныцы, / мученицы доблии, вопиюще Ти: / Едине сый Преблагий.

**Песнь 7**

**Ирмос:** Спасый во огни Авраамския Твоя отроки / и халдеи убив, / яже правда праведно уловляше: / препетый Господи, / Боже отец наших, благословен еси.

Яко избавил еси из пламене три благочестивыя отроки, / сиче\* и ныне страдальцы в пещи огненной сохранил еси, / вопиющия Ти Богомудренно: / отец наших Боже, благословен еси.

Даеши обильныя дары и чудодейние источаеши страсотѣрпцы Твоими, Христе, / содевая и содействуя яко Милосерд и являя поющим Тя: / отец наших Боже, благословен еси.

Множество мученик, неложно собраннии верою, приведостеся Христу, / преславных чудес явление действующе и поюще: / отец наших Боже, благословен еси.

**Богородичен:** Избавленнии Тобою прадедния клятвы / и к присносущней пищи прешедше, / радуйся, зовем Тебе, Препрославленная Владычице, / Яже Бога нам воплощеннаго рождающая.

**Песнь 8**

**Ирмос:** Отроки благочестивыя в пещи / Рождество Богородичо спасло есть, / тогда убо образуемое, / ныне же действующее, / вселенную всю воздвизает пети Тебе: / Господа пойте дела / и превозносите Его во вся веки.

Благочестивейшее мучеников торжество радостно прииде, / мир озаряющее, вся возвесели, / и светло украшающее верою поющия: / Господа воспевайте дела и превозносите Его во веки.

\* сиче—так, таким образом

**На звѣри, и рѣвы, и мѹки лю́тыя дерзну́сте, преизя́щнии, / имѹще Помощника непобедима, славы Господа, / Емуже ныне зовем: / Господа воспевайте дела и превозносите Его во веки.**

**Вас, дѹбляя страдальцы, Акинди́на, Пига́сия, и Анемподи́ста, / паки же Аффо́ния и приснопамятнаго Елпидифѹра, имѹще стѣну крепкую, / Господа поем и превозносим во веки.**

**Венце́м победы украси́вшися и добрѹты диади́мою\* светя́щися, / зарю невечернюю конечно, блаженнии, на Небесех прияли есте́, мученицы, зовуще: / Господа пойте дела и превозносите Его во веки.**

**Богородичен: Усты́ и рѹзумом Богородицу мѹдрствующе, / песнословим Тя, Пренепорочная: / породила́ бо еси, Пречистая, / плотию обложѣнаго Творца, и Бога, и Царя Христа. / Тем Тя, Дево, поем и превозносим во веки.**

### Песнь 9

**Ирмо́с: Ева ѹбо недѹгом преслуша́ния / кля́тву всели́ла есть, / Ты же, Дево Богородице, / прозябе́нием чревоноше́ния мѹрови благословение процвела́ еси. / Тем Тя вси величаем.**

**Труды́ ваша на земли́ Небесное веселие прияше, / идеже мучеников ли́цы, и Божественных во́инства, / и все перворо́дных сра́дуется торже́ство, всеблаженнии.**

**От уз лю́тых, всеблаже́ннии, и бед изба́вите вся, / верою святое торже́ство ваше пра́зднующия, / мир же, и тишину́ прося́ще, и спасение, блаженнии.**

**Богатым озаря́еми светом и благодатию, страстотерпцы, сияюще, / согрешений разрешѣние и печалей кѹпно\*\* с вами подви́гшимися / да́ти к вам прибега́ющим Благодетеля умоли́те.**

**Богородичен: Ева ѹбо дрѣва жизненнаго изгна́ся, возбранѣвшися причаще́ния, / Ты же, Дево Богородице, Жизнь превечную родила́ еси, / миру живоносное действо да́рующи верою.**

\* диади́ма — царский венец

\*\* кѹпно — вместе



## Светилен.

Подобен: Жены, услышите:

**Акинди́на, и Пига́сия, и Елпидифо́ра венчаем / со Аффо́нием пёсньми, купно и Анемподи́ста, / ибо пе́рсскую лесть обличивше суемудренную / и би́ения и ра́ны за Христа претерпе́вшие, / неизрече́нные славы получи́ша.**

**Богородичен: Радуйся, Божия пала́то; радуйся, горó осе́няема; / радуйся, купино́ неопали́мая; / радуйся, престо́ле славы; / радуйся, Божественная трапéзо; / радуйся, рúчко всезлатáя; / радуйся, свёщнице огнезра́чный; / радуйся, легкий о́блаче, Дево Мати Марие.**

**На стиховне Октоиха и святых стихира,  
глас 2:**

**Стих: Мнóги скóрби праведным, / и от всех их избáвит я Господь.**

**Крóвными то́ки тело обагрив, / безбедне прошел еси путь мучения, страстотёрпче Акинди́не, / тем и крёпостию Божественною препоя́сався, / вражия изсекл еси козноде́йства. / Христа Бога моли о нас / спастися душáм нашим.**

**Слава, глас 4:**

**Пятоза́рная страдалец свещá, / яко в дубраве древ секи́рою, / Дави́дски изсече́ лесть вражюю, / исповеда́вшие Христа пред ца́ри, / непрестанно мо́лят о душáх наших.**

**И ныне,**

**Богородичен или Крестобогородичен.**

Подобен: Яко до́бля:

**На Кресте́ Тя яко узрэ пригвожде́на, Господи, / Агница и Мати Твоя дивля́шеся: / и что видéние сие, взываше, Сыне возжеленнейше? / Сия Ти неверный собор воздаде́ пребеззаконный, / иже многих Твоих чудес насладивыйся, / но слава неизглаголанному сошествию Твоему, Владыко.**

**НА ЛИТУРГИИ**

**Прокимен, глас 4: Святым, иже суть на земли́ Его: Стих: Предзрэх Господа предо мною в́ину: Апостол ко Ефесéем, зачало 233. Аллилуия, глас 4: Воззва́ша праведнии: Стих: Мнóги скóрби праведным: Евангелие от Матфея, зачало 36. Причастен: Радуйтесь, праведнии:**

**Святые мученики Акидин, Пигасий, Аффоний, Елпидифор, Анемподист и иные с ними** пострадали около 341—345 годов. Акидин, Пигасий, Анемподист, придворные персидского царя Сапора II (310—381), были тайными христианами. Когда царь воздвиг гонение на христиан, завистники донесли ему на них. Вызванные на суд к царю, святые мученики безбоязненно исповедали свою веру в Святую Троицу и сказали: «Мы имеем дерзновение надеяться на Бога и готовы принять за Него всякие раны и мучения. Испытай и увидишь, откажемся ли мы от Бога нашего». Царь приказал бить их плетью. Два раза сменялись утомленные палачи, а святые мученики не издали ни крика, ни стога. По их молитвам явился Господь и исцелил от ран. Даже царь не выдержал напряжения и потерял сознание. Все считали его умершим, но святые воззвали к Богу, и царь пришел в себя. Очнувшись, Сапор обвинил святых в колдовстве и велел повесить святых мучеников над костром, чтобы задушить их дымом. Молитвами святых огонь погас, веревки, которыми они были связаны, распались. Когда царь спросил их, как это произошло, святые мученики поведали ему о Христе, творящем такие чудеса. Слепленный яростью, царь начал хулить Имя Господне. Тогда святые возгласили: «Да будут безгласны твои уста»,— и царь онемел. Обезумев от страха и ярости, он пытался жестами приказать, чтобы отвели святых мучеников в тюрьму. Окружающие не могли его понять, и он начал бесноваться: сорвал с себя мантию, рвал на себе волосы, бил себя по лицу. Святой Акидин пожалел его и Именем Господа разрешил его

от немоты. Но и на этот раз царь все объяснил волхвованием и продолжал мучить святых. Их положили на железную решетку и разожгли под ней огонь. Святые стали молиться. Во время молитвы с Неба был Голос: «Вы засвидетельствовали веру делами, и прошения ваши будут исполнены». Многие слышали этот Голос. Внезапно пошел дождь и погасил огонь. Видя чудеса, совершавшиеся по молитвам святых мучеников, многие уверовали во Христа и исповедали свою веру. Святые прославили Бога и призвали уверовавших принять Крещение дождем.

Один из палачей **Аффоний** всенародно просил прощения у святых мучеников за причиненные им страдания и мужественно пошел на казнь за Христа. Вельможа **Елпидифор** и мать царя также исповедали веру в Единого Истинного Бога. Царь, видя как растет число христиан и как мучения святых Акидина, Пигасия и Анемподиста укрепляют христианскую веру, объявил народу, что святым мученикам Акидину и Пигасию, Анемподисту и с ними Елпидифору будут отрублены головы, но тела их могут быть взяты христианами для погребения. Когда святых мучеников везли за городские стены к месту казни, огромная толпа сопровождала их, прославляя Христа. По приказу царя, воины уничтожили всех христиан (до 7000), шедших в процессии. Вместе с другими был убит и Елпидифор.

Акидин, Пигасий, Анемподист вместе с матерью царя были сожжены на следующий день. Христиане, тайно пришедшие ночью к месту казни святых, нашли неповрежденные огнем тела святых мучеников и с честью погребли их.



**Празднование Пресвятей Владычице нашей  
Богородице в честь чудотворныя Ея иконы,  
нарицаемья «Шуйския»**

**НА ВЕЛИЦЕЙ ВЕЧЕРНИ**

**На Господи, возвах:**

**стихиры на 8, глас 1:**

**П**риидите ныне, вернии, / в пении и песнях  
духовных воспойм, / благодаряще Матерь  
Божью, / дивнаго ради прославления Ея  
иконы Шуйския, / в ней бо от лет древних /  
яви нам Всемилостивая источник чудес  
преизобилен / во здравие телес и спасение душ  
наших.

**С** чинми священными днесь, / вси роди верных,  
духовно да възграем, / всечестное совершающе  
празднество Богоматере / и прославляюще дары  
благодатныя, / яже молитвами Владычицы / богато  
подаёт рабom Своим, / с верою к лику Ея  
прибегающим, / рождётся от Нея Человеколюбец  
Христос / и Спас душ наших.

**Глас 2:**

**Како** Тя, от Самаго святых Святэйшаго  
прославленную, / воспойм, Богородице, недостой-  
нии и многим грехом повиннии, / несть бо красна  
песнь во устех грешничих, / но мы, любовью и  
усердием побеждаеми, / припадающе, вопиём Ти: /  
Самá испроси нам у Сына Твоего и Бога нашего /  
розу благодати во омытие беззаконий наших, / да  
очищенными душами и устнами / блажим Тя,  
Всепетая.

**Мати** сущи Божия, / Мати еси и милосердия,  
Небесная Царице, / предстоящи бо одесную Царя  
Славы, / всегда пред Ним за род христианский  
предстательствуеши / и верным рабom Твоим дары  
милости источаеши. / Се бо и граду Шуйе / древле  
избавление от смертоносныя язвы даровала еси /  
новописанною иконою Твоею, / по внесении во  
храм дивным светом просиявшею, / и тем сотвори-

ла еси начáток зна́мением и чудесém от нея, / я́же мы ны́не воспомина́юще, приле́жно мо́лимся Ти: / проба́ви нам пре́жняя Твоя́ ми́лости, / да во благодарéнии серде́ц при́сно сла́вим и блажи́м Тя, Всепéтая.

**Слава и ныне, Богородичен, глас 6: Кто Тебé не ублажи́т: Вход, прокимен дне и чтения три (зри страницы 238—239)**

**На литии стихиры, глас 6:**

**Небéсный Царю́, Христé Богомладéнче, / на начертáнии свята́го о́браза Пречи́стыя Твоея́ Ма́тере / зрим Тя, в десни́це пред ли́ком Свои́м сви́ток кни́жный держа́ща, / в нёмже заключéны сúdeбы челове́чества. / Войсти́ну Ты еси́ суде́б его́ Влады́ка и Решите́ль. / Те́мже и мы трéпетом объёмлемся, / да не ка́ко по грехо́м, во отéчествии на́шем умно́жившимся, / впи́шутся о нем во сви́ток сей словеса́ о́ныя: / оты́метя от вас Ца́рствие Бо́жие / и да́тся язы́ку, творя́щему плоды́ его́. / Обáче на долготерпéние Твое́ упова́юще, / смире́нно мо́лимся Тебе́: / изба́ви ны от нале́жащаго и пра́веднаго Своего́ пре́щения и помы́луй ны, / на́шего всячески́ ожида́я пока́яния и обра́щения, / и страну́ на́шу благода́тию Твое́ю сохрани́, / предста́тельством Ро́ждшия Тя, / имéяй véлию и бога́тую ми́лость.**

**Небéсная Цари́це Богороди́це, / на свята́м Твоéм о́бразе, / ему́же ны́не пра́зднуем благоче́стно, / зрим Тя десни́цею Своёю стопу шу́ю у Христа́ Богомладéнца придержа́щу, / главú же Свою́ к Нему́ моле́бно приклóншу / и сим áки бы за град Шу́ю предста́тельствующу. / Те́мже во умилéнии серде́ц взывáем Ти: / поддержи́ руко́ю Своего́ милосе́рдия град Шу́ю, / ико́ну Твою́ благоговéйне чту́щий, / и моли́ Сы́на Твоего́ и Бо́га на́шего, / да спасёт живу́щия в нем и во о́бласти его́ véрныя лю́ди, / имéяй véлию и бога́тую ми́лость.**

**Слава и ныне, глас тойже:**

**Тебе́ вси ро́ди челове́чести / хва́льные да́ры приносят, Влады́чице, / и мо́лятся я́ко Цари́це и Ма́тери Бо́жией, / проро́цы Тя проповéдаша, / леви́ти благослови́ша, / апо́столи и мучени́цы**

исповѣдаша, / архиереи проповѣдают, / монаси и  
прости благоговѣют, / богати и убози, сироты и  
вдовы, / и всяк возраст, и всяко преспеяние, /  
старческое и младенческое, / под кров Твой дер-  
жавный с верою прибегаем: / покрый и соблюди,  
Госпоже, молитвами Твоими / и спаси от бед души  
наша.

**На стиховне стихиры, глас 8:**

Исполнила еси благодати, Госпоже Дево  
Богородице, / икону Твою начальную, / святым  
Лукою Евангелистом первописанную. / Оттоле же  
благим обычаем Своим / не престаеши и инья  
изображения пречистаго лика Твоего, / людьми  
Богоугодными писанныя, / тояжде приобщати си-  
лы благодатныя, / в чудесех и знамениях от них  
являющи ю, / якоже и во граде Шуе иногда /  
написанную Боголюбивым рабом Божиим  
Герасимом, / великий образ монашеский на кончи-  
не своей восприявшим, / честную икону Твою  
содѣлала еси чудотворну, / за еже Тя  
благодаряще / и празднество той ныне  
совершающе, / славим неизреченное Твое к нам  
милосердие.

**Стих:** Помяну имя Твое / во всяком роде и роде.

Имя Твое яко рождшия Спаса миру, о  
Владычице, / благодарне во всяком роде и роде  
верных поминается и славится: / сия же священ-  
ная и славная, Дево, память Твоя / в нас непреста-  
ющими Твоими благодеяньми утверждается, / ис-  
точаеши бо тыя неоскудно всем, / с верою и  
любовию к Тебе притекающим, / милосердия сущи  
источник, живый и независтный, / Единая Благо-  
словенная.

**Стих:** Лицу Твоему / помолятся богати  
людстии.

Лицу Твоему, Владычице, / егоже изображению  
благочестно поклоняемся, / молятся людие, стя-  
жавшии богатство Твоея благодати, / и уповают  
крепко, / яко много может моление Матернее ко  
благосердию Владыки / и яко никтоже от них  
отыдет от лика Твоего тощ и неуслышан, / но  
приимет милость и благодать обрящет / во благо-  
временную помощь.

**Слава, и ныне,  
глас тойже:**

**Рáдуйся, вселénная похвалó, / рáдуйся, храме Господень, / рáдуйся, горó приосенénная, / рáдуйся, всех прибéжище, / рáдуйся, свéщнице златый, / рáдуйся, славо правослáвных честнáя, / рáдуйся, Марíе, Мáти Христá Бóга, / рáдуйся, рáю, радуйся, Божéственная трапéзо, / рáдуйся, сéне, рáдуйся, рúчко всезлатáя, / рáдуйся, всех уповáние.**

**На благословении хлебов**

**Тропарь, глас 4:**

**Я**ко многоцénное сокровище прият град Шúя / чудéсно написанную икону Твою, / Пресвятáя Владычице, Дéво Богородице, / во исцелéние лю́т-  
тыя я́звы и во утешéние правослáвных Тобо́у даровáнную, / от нейже истóчники благодáтныя и до ны́не обильно изливаются. / Пробáви, Пречí-  
стая, и на б́удущее врéмя м́лости Тво́я вéдушим Тя, / храни град Твой и всю Рúсскую зéмлю / и спасáй людéй, к Тебé с вéрою и любóвию притекá-  
ющих.

**Ин тропарь, глас 4:**

**В**себлагáя и премýлостивая Застúпнице рóда христиáнского, / Пречíстая Дéво Богородице, / припадающе пред святým и чудотворным Тво́им образом, / ýмже от лю́таго смертоно́сия град Шúю дрéвле избáвила еси, / умýльно зывáем Ти: / не престáй под крóвом Свое́я блáгости / сохра-  
нáти от бед и обсто́яний град Твой / и вся грады и вéси страны́ Россíйския / и молíти Сы́на Твоéго, Христá Бóга нáшего, / да спасёт дýши нáша.

**НА УТРЕНИ**

**По 1-й кафизме седален,  
глас 3:**

**Лю́дие благочестíвии, / правове́рнии собóри христоименíтии, / приступíte вéрно вси, / Божé-  
ственному припадающе Бóжия Мáтере образу, / ýмже исцелéние болящим рáдостно подавáет, / уязвлéет же злослáвныя, ýко стрелá из лúка, / нас всех веселя́щи световíдно / и благодáтию озаря́-  
ющи молíтвами Сво́ими.**

**Слава, и ныне, глас тойже:**

Ты еси наша крепость и утверждение, Владычице, / и от врагов видимых и невидимых заступление, / и сущим в бедах прибежище: / Тя бо, Матерь Божию, стяжавше Всемилостивую, / от всяких напастей избавляемся, / к пречестней иконе Твоей с верою притекающие.

**По 2-й кафизме седален, глас 4:**

Да ликовствует светло верных все множество, / да рыдает же демонское войство, / видяще многоименно сияющие праздники Божия Матере, / Юже ублажаем яко Богоматерь Божественными песнями, / идеже бо Богоприятно славится Преплагословенная Богородица Владычица, / неприязни падение, христиан же крепкое утверждение.

**Слава, и ныне, глас тойже:**

Ты в напастех и скорбех милостивно защищаеши, Владычице, / яже к заступлению Твоему усердно прибегают, / ныне убо, егда мнози скорби и напасти, обшедше, обыдоша нас / и житие наше отяготиша, / приклонися к молению рабов Твоих / и подаждь нам от облегающих зол избавление, / мир и благоденствие ходатайствы Твоими.

**По полиелеи седален, глас 1:**

Правоверно чтущия Тя / и иконе Твоей святей поклоняющиеся, / о Божия Мати, спаси / и не даждь в расхищение сопостатом, / ниже найдут на ны вся злая, / яже грехи наша уготоваша нам, / и беззакония наша превзыдут главы наша: / но да Твоя Матерняя к Богу преодолает за ны благоприятная молитва.

**Слава, и ныне, глас тойже:**

Пречестная Твоя икона, Богородице Дево, / врачевство всего мира духовное, / к нейже прибегаем и лобызаем ю, / исцелений благодать почерпающе от нея, / и недугов телесных и душевных страстей Твоими молитвами освобождаемся.

**Таже степенна, 1-й антифон 4-го гласа. Прокимен:** Помяну имя Твое / во всяком роде и роде.  
**Стих:** Слыши, Дщи, и виждь, / и приклони ухо Твое. **Всякое дыхание:** Евангелие от Луки, зачало 4.

**По 50-м псалме стихира, глас 6:**

Не ввѣри мя человѣческому предстательству, /  
Пресвятая Владычице, / но прими моление раба  
Твоего, / скорбь бо обдержит мя, / терпети не могу  
демонскаго стреляния, / покрова не имам, ниже где  
прибегну окаянный, / всегда побеждаемь, / и утешения  
не имам, разве Тебе, Владычице мира, /  
упование и предстательство верных, / не презри  
моление мое, полезно сотвори.

**Канона два Одигитрии Пресвятыя Богородицы,  
глас 4, со ирмосы на 6 (зри в Минеи июль 28 день). Ин  
канон праздника, глас 4.**

**Песнь 1**

**Ирмос:** Отверзу уста моя, / и наполнятся Духа, /  
и слово отрыгну Царице Матери, / и явлюся,  
светло торжествуя, / и воспою, радуясь, Тоя  
чудеса.

Отверзти ми недоуменный ум и язык / на  
похвалу пречистаго Твоего имени не возбраняю, /  
грех ради моих, Всеблагая Дево, / но и, Мати, силу,  
елико есть произволение, даждь, / да воспою,  
радуясь, Твоя чудеса.

Отверзла еси древле от образа Твоего  
честнаго / иноку Шуйския обители Святыя Тро-  
ицы Никону ослепшия очи, / и той, исцелен, отыде  
в монастырь свой, радуясь, / славити тамо и  
воспевати Твоя чудеса.

Отверзения ослепшим очесем своим просившая  
у Тебе, Богомати, / жена некая, именем Марфа, /  
абие на молитве пред иконою Твоею нача видети  
ясно / и, исцелена, отыде в дом свой, / радуясь и  
прославляя Твоя чудеса.

Отверзи нам душевные очи, Богородице и  
Мати Света, / слепотою греховною недугующим, / и  
во свете повелений Господних ходити направи  
нас, / да, радующеся, воспеваем Твоя к нам милос-  
ти и чудеса.

**Песнь 3**

**Ирмос:** Твоя песнословцы, Богородице, / живый  
и независтный источник, / лик себе совокупль-  
ший, духовно утверди, / в Божественней Твоей  
славе / венцев славы сподоби.



**Твоя** песнословцы, Богородице, / сердцем и усты возносящая Ти глас хвалы и благодарения, / содеваяши всех, иже от Тебе исцелений и всякия благодати сподобляются, / ихже не лишены быти и причастья Царства Славы сподоби.

**Твоих** песнословцев абие услыша гласы, Владычице, / инок Юрьевецкия обители Боголеп, / егда на службе Божией молящися пред иконою Твоею о исцелении от глухоты, / и отверзла еси слух его. / Тогда начат инок радостно припевати им: / лик себе совокупльшия духовно утверди, / в Божественней Твоей славе венцев славы сподоби.

**Твоя** певцы, Богородице, / показашася иногда архиепископ Суждальский Стефан с прочим духовным собором, / егда по пришествии своем во град Шую / на свидетельство чудес от Твоей иконы / молебная пред нею воспеша: / тыя песнословцы Твоя и истину чудес тех дознавшия блаженства вечнаго сподоби.

**Твоя** песнословцы, Богородице, / возносящая Ти гласы моления и благохваления, / и с ними вся верныя / от греховных падений огради, в добродетели утверди / и Небесныя славы улучшить сподоби.

### Кондак, глас 3:

**М**ати Божия Пресвятая, / стено христианом, града нашего Шуи покров и заступление! / Молитвы раб Твоих, ко иконе Твоей припадающих, прими, / во исповедании Православныя веры укрепи, / от всякия напасти и беды избави, / скорби земныя, на радость преложи / и Сына Твоего моли граду и людем Твоим в мире спастися.

### Седален, глас 2:

**М**оление теплое и стена неборимая, / милости источнице, миру прибежище, / прилежно вопием Ти: / Богородице Владычице, предвари и от бед избави нас, / Единая вскоре предстательствующая.

**Слава, и ныне, тойже.**

### Песнь 4

**Ирмос:** Седяй в славе на Престоле Божества / во облаце легце, / прииде Иисус Пребожественный / нетленною дланию и спасе зовущия: / слава, Христе, силе Твоей.

**Седя́й в сла́ве на Престо́ле Божества́, / соше́д на зéмлю на́шего ра́ди спасе́ния / и из Тебе́ проше́д, су́щую Тя Богоро́дицу вы́шую всех тва́рей пока́за, / те́мже в благоговéнии трéпетнем зове́м Ему́: / сла́ва, Христé, си́ле Твое́й.**

**Седя́й в сла́ве на Престо́ле Божества́, / благово́ли, вочеловéчився, седéти я́ко Младéнец на руку́ Твое́ю, о Богома́ти, / сим показу́я, я́ко Ты еси́ и ближай́шее пред Ним предста́тельство о всех, / véрно чту́щих Тя, Ему́ же зову́щих: / сла́ва, Христé, си́ле Твое́й.**

**Седя́й во объ́ятиях Твои́х Младéнец Иису́с Пребоже́ственный / нетле́нною длáнию дéржит пред Собо́ю свéток дел челове́ческих, / я́коже ви́дим на пречу́дней ико́не Твое́й, Влады́чице: / из него́ же да бу́дут, мо́лимся, изья́ты ходáтайством Твои́м грехи́ все́х, / Сы́ну Твоему́ зову́щих: / сла́ва, Христé, си́ле Твое́й.**

**Седя́щему на Престо́ле Божества́ Царю́ Сла́вы / предстои́ши одесну́ю, Цари́це Небе́сная, / помози́ нам подража́ти Тебе́, / да сподобимся ча́сти блаже́нства Твоего́ и воскликнем: / сла́ва, Христé, си́ле Твое́й.**

### **Песнь 5**

**Ирмос: Ужасо́шася все́ческая / о Божéственной сла́ве Твое́й, / Ты бо, Неискусобра́чная Дéво, / имéла еси́ во утробе́ над все́ми Бо́га / и родила́ еси́ Безле́тнаго Сы́на, / все́м воспева́ющим Тя / мир подава́ющая.**

**Ужасо́шася все́ческая о Божéственной сла́ве Твое́й, / в чудотво́рных ико́нех Твои́х явля́емей: / Ты бо, Премилосéрдая, да́ры целéбныя и зна́мения подаéши / во времена́ благопотре́бна притека́ющим Ти с véрою, / все́м воспева́ющим Тя мир подава́ющая.**

**Ужасо́шася гра́да Шу́и жи́телие нашедшей на ня́ смертоно́сней я́зи вéлией, / но Ты, Всеми́лостивая, приклóншися на молéние их, / дарова́ла еси́ им от нея́ скóрое избавлéние новопи́санною ико́ною Твое́ю / и успокоéние сердца́м их низпосла́ла еси́, / все́м воспева́ющим Тя мир подава́ющая.**

**Ужасóшася свидéтелие чудéс от Твоегó пречúднаго óбраза/ приводímым к нему́ бéсным, сотряса́емым и лома́емым сíлою дéмонскою,/ посéмже и радавахуся, воóчию вíдевшe тýя áбие исцелéны Тобóю,/ и кúпно с нíми молíтвы благодарéния приноша́ху Тебé, Влады́чице,/ всем воспева́ющим Тя мíр подава́ющая.**

**Ужаса́юся опáсно наве́та диáволя,/ но, припада́я к чудотвор́ному óбразу Твоему́,/ упова́ю Тобóю вра́жия прельщéния избáвиться и умирéния уллучíти,/ éже и потщíся дарова́ти ми, Госпо́же Богорóдице,/ всем воспева́ющим Тя мир подава́ющая.**

### **Песнь 6**

**Ирмос: Божéственное сие́ и всечестнóе/ соверша́юще прáзднество,/ Богомúдрии, Богомáтере,/ приидíte, рука́ми восплéщим,/ от Нея́ рóждшагoся Бóга сла́вим.**

**Божéственное Твое́ истощáние\*, Иисýсе,/ óбразно живопису́ется нам на икóнех Пречíстия Твоея́ Мáтере,/ иде́же зрим Тя, на руку́ Ея́ держíма я́ко Младéнца:/ тэмже Тебé, от Нея́ рóждшагoся Бóга, сла́вим.**

**Божéственное и всечестнóе торжествó/ чудотвор́ныя рáди икóны Твоея́, Богорóдице,/ егда́ святíтель Стефа́н соверша́ше,/ тогда́ сие́ ознаменовано́ бысть исцелéнием от слепоты́ жены́ нéкия Вáссы,/ двáдeсять лет очíма не вíдевшия./ О тако́м чудесí Твое́м раду́ющeся,/ от Тебé рóждшагoся Бóга сла́вим.**

**Божéственное сие́ и всечестнóе соверша́юще прáзднество/ прославлéния Твоея́, Богомáти, икóны,/ пáмьять творím всех чудéс, я́же Тобóю от нея́ содея́шася,/ о нíхже Тя благода́ряще,/ от Тебé рóждшагoся Бóга сла́вим.**

**Божéственное сие́ и всечестнóе соверша́юще прáзднество,/ от тяжких и лю́тых избáви ны,/ мíра сподóби, да тíхое и безмóлвное житиé поживéм,/ вся́ бо мóжеши, Мáти Бóжия сýщи,/ Ю́же велича́юще, от Тебé рóждшагoся Бóга сла́вим.**

\* истощáние — снисхождение

### Кондак, глас 6:

**П**редстательство христиан непостыдное, / ходатайство ко Творцу непреложное, / не презри грешных молений гласы, / но предвари яко Благая / на помощь нас, верно зовущих Тя, / ускори на молитву и потщися на умоление, / предстательствующи присно, Богородице, чтущих Тя.

### Икос:

**П**ростри длани Твоя, / и мизе всех Владыку яко Младенца прияла еси за множество благодати: / не остави нас, всегда надеющихся на Тя, бодренною Твоею молитвою, / и неисчетным состраданием ущедри нас, / и подаждь душам нашим милосердие Твое, во веки источающе: / Тебе бо имамы, грешнии, Заступницу от находящих на ны бед и зол, / но, яко имущи милосердия щедроты, / ускори на молитву и потщися на умоление, / предстательствующи присно, Богородице, чтущих Тя.

### Песнь 7

**Ирмос:** *Не послужиша твари Богомудрии / паче Создавшаго, / но огненное прещение мужески поправше, / радовахуся, поюще: / препетый отцев Господь и Бог, благословен еси.*

**Не** послужиши богом иным, разве Тебе, / ниже поклонятися всякому подобию их, / законоположил еси древле Израилю, Господи: / се и мы Тебе Единому служим и Тебе Единому поем: / препетый отцев Господь и Бог, благословен еси.

**Не** послужиши твари паче Создавшаго заповедавый Господь / повеле обаче на кивоте завета два Херувима изваянна сотворити, / да поклоняющеся им, Самому Ему сынове Израилевы поклоняются; / мы же Тебе, Богородице, / яко одушевленному Божию Кивоту, от Херувим осеняему, поклоняющеся, / Творцу и Владыце всех поем: / препетый отцев Господь и Бог, благословен еси.

**Не** послужиша твари отроцы еврейстии паче Создавшаго; / не искаша и лодие Шуйския помощи человеческия паче Божия, / егда найде на них смертоносие, / тогда абие к Богу со слезами покаяния обратшася / и, избавление получивше,

воспéша:/ препéтый отцév Госпóдь и Бог, благословén есй.

**Не** послужити, пáче же противустóяти учéнием и обýчаем вéка сегó / помозй нам, Богорóдице, да не в концé погйбнем, / и сохрани в нас вéру отцév нáших, да всегда Творцý вопиém: / препéтый отцév Госпóдь и Бог, благословén есй.

### Песнь 8

**Ирмос:** **Отроки** благочестйвыя в пещй / Рождество Богорóдичо спасло есть, / тогда ўбо образуемое, / ныне же дéйствуемое, / вселéнную всю воздвизáет пéти Тебé: / Гóспода пóйте делá / и превозносйте Егó во вся вéки.

**Отрока** Иáкова, лóте беснýема, / приведéннаго ко икóне Твоёй, Богородице, / от дéмонскаго мучительства избáвила есй я́ве, / я́коже всем, видевшим сие, дивйтся зело \*; / избáви ўбо и нас навéтов и искушéний бесóвских, / да в мйре душéвнем прйсно поém, избáвлении: / Гóспода пóйте делá и превозносйте во вся вéки.

**Отрока** другáго, Иоáнна йменем, / йже, разболéвся злé, хотяше умрéти, / Ты, Премйлостивая, молитв рáди и вéры родйтелей егó скóро от болéзни исцелила есй, / тэмже мóлим Тя: / и нáс от всяких недýгов уврачуй, да благодарне зовém: / Гóспода пóйте делá и превозносйте Егó во вся вéки.

**Отроки** иногда и ученикй духóвнаго вертогрáда учéний мы бйвше, / молихомся пред óбразом Твойм, Богоотроковице, / тéх рáди óтрочих молитв нáших не остáви нас покрóвом Свойм / и во врéмя стáрости и по кончине животá нáшего, / да со óтроки еврейскими и всеми святými зовém: / Гóспода пóйте делá и превозносйте Егó во вся вéки.

**Отроки** благочестйвыя в пещй Рождество Богорóдичо спасло есть: / да спасёт Оно и нáши óтроки и дéти, / в пéщи сýщия соблáзнов невéрия и развращéния, / мы же во уповáнии на сию к нйм и нáм Бóжию мйлость вопиém: / Гóспода пóйте дéла и превозносйте Егó во вся вéки.

\* зело — очень

## Песнь 9

**Ирмос:** *Всяк земнорóдный / да възграётся, Духом просвещаемь, / да торжествует же Безплóтных умóв естество, / почитающее священное торжество Богомáтере, / и да вопиёт: / радуйся, Всеблаженная / Богородице, Чистая Приснодево.*

**Всяк** род вёрных благоговейне чтит священнаго лика Твоего многоименная изображéния, / наипаче знаменьями Твоея благодати и милости просиявшия, / от нихже и в предняя Твоихъ благодеяний и даров не лишёну быти уповая, вопиёт: / радуйся, Всеблаженная Богородице, Чистая Приснодево.

**Всяк,** слышай повесть о известованных во граде Шуе вещех, / якоже предаше нам яже исперва самовидцы, / како в нём во дни древния заступлением Богомáтере / от новописанныя иконы Ея всегубительство смертное престá, / и многая иная чудеса содеяшася, / играньем духа исполняется и вопиёт: / радуйся, Всеблаженная Богородице, Чистая Приснодево.

**Всяких** даров благодати источник явила еси, Владычице, / не точию самую икону Твою Шуйскую, / но и некия из списков ея священных: / се бо и в селении Павлове, еже во области Новáграда Низовския земли, / и во Ярославле граде, и во иных местех / подобия тоя иконы милостию Твоею чудодéйственны показашася, / темже и живущии тамо вёрнии благодарне Тебé вопиют: / радуйся, Всеблаженная Богородице, Чистая Приснодево.

**Всякия** ныне мятущая страну Россiйскую церковныя соблазны и разделéния / утоли, Владычице, молитвами Твоими, / отступльшия же от Православныя Църкве пастыри и мирскiя люди на путь истины обрати, / да вси еди́но пребывающе, согласно Господа славим и Тебé вопием: / радуйся, Всеблаженная Богородице, Чистая Приснодево.

### Светилен:

**Сладость** Ангелов, скорбящих радости, / христианъ представительнице, Дево, Мати Господня, / заступивши ны, спаси от вéчнаго мучéния.

### На хвалитех стихиры на 4, глас 3:

Неисчерпаемую чудес пучину вемы Тя, Богородице Дѣво, / яко паче ума и слова рождши Христа, Спаса нашего, / от Него чудодѣйственныя благодати превысший дар восприяла еси: / Тобою бо слепии прозирают, / хромии ходят, прокаженнии очищаются, / глушии слышат, немии глаголют, / от бесов томимии свободяются, / от недугов всяких и болезней страждущии исцелеваются, / и мертвии встают. / Темже Тя ныне и присно в песнях величаем, / аще и недостойнии раби Твои, Благословенная.

Празднественным звоном доброшумным, / град Шую ныне оглашающим, / внимаим радостно, братие, / себе обаче назидаяще, / да сами не яко медь звенящи или кимвали звяцающе / будем в прославлении Пречистой Матере Бога нашего / едиными гласы благохвальными, аще и от сердец возносимыми, / но дела благими наипаче да убожаем Ю, / подражаяще Ея милосердию / и сим войстину благоугодное Ей сотворяюще.

Составити праздник радостен / в честь пречудныя иконы Твоея, о Владычице, нам ныне даровавшая, / не лишь нас всемогнанаго пред Сыном Твоим предстательства, / да будем общницы и лика празднующих с Тобою / в торжестве вечнем избранных Его.

### Слава, и ныне, глас 8:

Владычице, прими молитвы раб Твоих / и избави нас / от всякия нужды и печали.

### Славословие великое и отпуст.

#### НА ЛИТУРГИИ

**Блаженны от канона Одигитрии песнь 3-я и от втораго канона праздника песнь 6-я и прочая службы Пресвятыя Богородицы.**

**Шуйская-Смоленская икона Божией Матери** была написана в 1654—1655 годах в Воскресенском приходе города Шуи. В то время в городе свирепствовала моровая язва. Уповая на милость Божию и заступничество Богородицы, прихожане Воскресенской церкви поручили

благочестивому иконописцу иноку Герасиму (перед кончиной он принял великую схиму) написать образ Смоленской Божией Матери. Этот образ издревле спасал русских людей от врагов и бед. Целую неделю, пока писалась икона, прихожане пребывали в посте и молитве. Когда икона

была написана, священник Воскресенской церкви и народ перенесли ее в церковь и поставили на особо устроенном месте. С того времени моровая язва стала утихать, сначала в пределах Воскресенского прихода, а затем и во всем городе.

От иконы Богоматери, поставленной в храме, совершилось много исцелений, особенно от глазных болезней и глухоты. Благодатная помощь от иконы была свидетельствована Суздальским архиепископом Стефаном в 1667 году. Прославились также некоторые списки с Шуйской иконы: в селе Павлове (Горьковская епархия), икона была написана в 1771 году во избавление от чумы, которая прекратилась после того, как в село принесли список иконы; в Ярославской церкви в честь святого Иоанна Златоуста, икона была написана благочестивым иереем по особому видению.

Празднование иконе совершается также 28 июля. Службу в 1924 году составил настоятель Московской Ризоположенской церкви протоиерей Николай Миловский, уроженец города Шуи, питомец Шуйского духовного училища. К церковному употребле-



нию служба была благословлена Местоблюстителем Патриаршего престола Митрополитом Петром 31 июля 1925 года.

